

die Junge vo de Alte Stainlemer



Binggis Fasnacht 2015

Sujet:

Rhyysaiggle isch su-Staine-bel

D Schwyz syg – so hört me oft blagiere –
wältmaischterlig im Recycliere;
öbbs müffelet, öbbs gäärt, öbbs brennt,
öbbs jääselet, s wird alles drennt.
Drum machts au dir ganz gwüss kai Mie,
das **UMWÄLT-TESCHT**li duurezzie.
S Ergebnis zaigt dir denn genau,
bisch Oeko-Held, bisch Umwält-Sau.

Problem 1: Abfall

Verbringsch am Rhy e Summernacht.

Was hesch zletscht mit em Abfall gmacht?

- A: Ych dringg my Sanddorn-Tee (dasch gnueg)
uus eme Meerwääg-Bambuskruieg.
- B: My Tenpack loss y stoo; s isch z schwäär.
Und usserdääm sinn d Fläsche läär.
- C: In Rhy dermit, so grieges d Schwoobe!
Und d Schwyz blybbt sauber. Das isch z loobel!

Problem 2: Battery

Wenn d Battery nüm funktioniert,
wie wird denn die äggscht recyclet?

- A: Wäär hütt no Batterye bruucht,
isch tschuld, wens unseri Umwält schluucht!
- B: E lääri Battery isch alt
und wird entsorgt – sygs au im Wald.
- C: Entsorg sy in der Dritte Wält
mit Kinderarbet. Das gitt Gäld!

Problem 3: Medikamänt

D Medikamänt sinn zimmlig gly
punkto Verfallsdatum verby.

- A: Bi mir stoot kai Chemmy im Schaft,
denn ych bau uff d Naduurhailgraft.
- B: Ych mach mir kaini Sorge drab
und spiel sy aifach d Schyssi ab.
- C: Ganz fyyn verstampft, neu gformt und gwooge,
verkauf ych sy als Party-Drooge.

Problem 4: alt Flaisch

Hesch in dym Diefkielfach ganz unde
vom letschte Joor no Rossflaisch gfunde.

- A: Für Gammelflaisch bruch ych kai Blan,
denn ych iss numme no vegan.
- B: Guet ghaggt und gwürzt und duurebroote,
ka drus no mänge Börger groote.
- C: Uus „Dez.“ mach „März“, uus „Ross“ mach „Rind“.
Dernoo verkaufs an Baize gschwind.

Problem 5: e roschtig Schiff

Dy Frachtschiff isch scho zimmlig alt.
Was machsch, voors uusenanderfallt?

- A: D Entsorgig koschtet Millione.
Für d Umwält aber wird sichs loone.
- B: Ych wurd das Wragg – ooni Bedängge –
im diefschten Ozean versängge.
- C: E Menscheschlepper kauft dä Schlabbe.
Ych grieg derfür fümfdausig Labbe.

Uswärtig:

Du hesch **die maischte Grüz bim A:**
S gitt kain, wo dii erraiche kai
Für d Umwält isch kai Opfer z vyl.
So läbsch du ... ghemmt, verglemmt, steryl.

Du hesch **die maischte Grüz bim B:**
Du bisch e Grüsel, ach herrjeel!
Dy Hirni kaa kain kompositiere:
S gitt, wo nüt isch, nüt z recyclierei!

Du hesch **die maischte Grüz bim C:**
Du bisch so zynisch – s macht aim wee.
Du nimmsch dir alles, wo d kassch nää...
Uus dir wirds öbbis Grosses gää!

D Ladäärnen-Uusstellig uff em Münschterplatz,
d Waagen- und Requisiten-Uusstellig uff em Kasäärneplatz
sinn vom Määntig znacht bis am Mittwoch demorge.

Drugg: Gremper AG



Die Junge Stainlemer...

...aifach anderscht !

Als Bueb kunnsch nadüürlig zue de **Alte Stainlemer !**

Namme:

Voorname:

Strooss:

PLZ / Ort:

Delifoon: Joorgang:

Schigg die Aamäldig an Obmaa vo de Junge:
Pascal Mutschler, Malzgasse 20, 4052 Basel oder lütt em doch
aifach aa: Delifoon 076 589 17 53

oder schigg en E-Mail an: p.mutschler@stainlemer.ch

oder kumm in unsere Käller go schnuppere
am 28. Februar oder am 7. März 2015
zwüsche zwai und fünfi am Noomidaag
am Aubärg 2b (bi dr Heuwoog)
Cliquekällerbesichtigung und Apéro für alli Eltere
oder mäld dy under: www.jungi-stainlemer.ch